

**Nuup kiisalu Qasigiannguit Aasiaallu pilersorneqarnerannut erngup nukinganik
nukissiorfinnik taakkununngalu atatillugu atortunik sanaartornermut,
aningaasalersuinermut ingerlatsinermullu killiliussatut atugassarititaasut pillugit
Inatsisartut inatsisaat allanngortinnejarnissaa pillugu Inatsisartut inatsisaat**

pillugu

Sanaartornermut Ataatsimiititaliap

Siunnersuutip aappassaaneerneqarneranut

ISUMALIUTISSISSLUTAA

Sanaartornermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq

Inatsisartunut ilaasortaq Siverth K. Heilmann, Atassut, siulittaasup tullia

Inatsisartunut ilaasortaq Harald Bianco, Inuit Ataqatigiit

Inatsisartunut ilaasortaq Anders Olsen, Siumut

Inatsisartunut ilaasortaq Jens Kristian Therkelsen, Siumut

UKA 2022-imi ulloq 28. september siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Naalakkersuisut atitunerusumik qallunaat naalagaaffianik aningaasalersuinermik isumaqatiginninniarsinnaanissaannik piginnaatinnejarnissaat danskillu naalagaaffiata Nukissiorfinnut namminersorlutiluunniit oqartussanit pigineqartunut suliffeqarfinnut taarsigassarsisitseqqinnissaanik periarfissaqalernissaa siunnersuummi matumani anguniarneqarpoq.

Siunnersuutip Inatsisartunit siullermeerneqarnera

Siunnersuut ataatsimut isigalugu tapserneqarpoq immikkoortorlu ataatsimiititaliamut suliassanngortinnejarnissaa.

Tusarniaanermit akissutit

Siunnersuut piffissami 3. julimiit 3. august 2022-mut tusarniaassutigineqarpoq. Tusarniaanermut akissutit siunnersuummut ilangngunneqarput, tamanna Inatsisartut Siulittaasoqarfianit ilusissatut piumasaqaatinut naapertuuppoq.

Siunnersuutip aningaasatigut kingunerisassai

Siunnersuutip piviusunngortinnerani aningaasatigut kingunerisassai siunnersuummi nalinginnaasumik oqaaseqaatini allaaserineqarput.

Siunnersuummi isumaqatigiinniarnissamut killiliussassat aningaasalersuinissamullu isumaqatigiissutit kisiisa pineqarmata taamaammallu sanaartornermut inatsimmi aningaasanik naatsorsuinermut allannguutaanaviangitsut tassani allaqqavoq.

Ataatsimiititaliap siunnersummik suliarinninna

Tusarniaanermit akissutinit Inatsisartunilu immikkoortup suliarineqarnerani ataatsimut isigalugu tapsererneqartoq ataatsimiititaliamit maluginiarneqarpoq.

Aappassaaneerinninnissamut Naalakkersuisut allannguutissatut siunnersuuteqartut ataatsimiititaliamit maluginiarneqarpoq. Sanaartornermi aningaasartuutit, sanaartugassat sanaartornermilu suliaqartut annertuumik malunnaatilimmik akitigut qaffakkiartornissaat naatsorsuutigineqarnera allannguutissatut siunnersuuteqarnermi tunngaviupput. Naalakkersuisut tullinnguuttumi allannguutissatut siunnersuuteqarnermi tunngavissaqalissapput:

- Aningaasaqarnermut Akileraartarnermullu ataatsimiititaliap akuersissuteqarneratigut Sanaartornermut inatsimmi siusinnerusumi aningaasat missingiutaasut pisarialimmik aningaasaliinermik taarsigassarsinissamut tunngavissinneqassapput. Piffissami matumani taarsigassarsiassatut pisariaqartitat tamakkiisut missiliutigisatut 3.784 – nit 4.620 mio. kr.-nillu akornanniittussatut missingersorneqarpoq.
- Tamatumunnga atugassarisanik aalajangersaanerit, tassalu ingerlatsivioreersumut namminersorlutik oqartussat pigisaattut ingerlatseqatigiiffimmit aqutamulluunniit tunniussinermut naleqqiullugu allatut qinigassatut Naalakkersuisut ingerlatseqatigiiffimmik pilersitsinissamik pisinnaatinneqarput.
- Utoqqarmiut Kangerluarsunnguanni ingerlatsivioreersoq piginneqatigiiffimmut tunniunneqarsinnaavoq, ingerlatsiviup sanaartorsimasap nutaaq aamma tunniunneqarpat tassalu tunisinikkut, imaluunniit naleqartitanik aningaasaliinikkut Namminersorlutik Oqartussat pigisaattuit ingerlatseqatigiiffimmut ingerlatsivik nutaaq ingerlatsiviup sanaartorsimasap sanaartugaanerata kingornatigut piginnittumik taassuminnga pigineqarsinnaalissalluni.

Ataatsimiititaliap inassuteqaatai:

- Ataatsimiititaliap isumaqatigiittup siunnersuutip allannguutissatullu siunnersuutip akuersissutigineqarnissaat inassutigaat
- Tamatumalu saniatigut Nuummi Qasigiannguani Aasiannilu erngup nukissiorfinnik sanaartornissaq, aningaasalersuinissaq ingerlatsinermullu suliassat ataatsikkut aallartisarnissaat ataatsimiititaliamit isumaqatigiittumit Naalakkersuisunut kaammattutigineqassaaq
- Tasiilami erngup nukissiorfiup allilerneqarnissaanik suliap ingerlasup nukingiunneqarnissaa ataatsimiititaliamit isumaqatigiittumit Naalakkersuisunut kaammattutigineqassaaq

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiitaliap siunnersuut aappassaaniigassanngortippaa.

Kristian Jeremiassen
Siulittaasoq

Siverth K Heilmann
Siulittaasup tullia

Harald Bianco

Anders Olsen

Jens Kristian Therkelsen